

出堂頌  
回師

靈寶領教濟度金書卷之一百七十九

靈寶領教濟度金書卷之一百八十

洞微高士開光救苦真人審金具授

靈寶通玄弘教水南先生林靈其編

科儀立成品白然

齋用

午朝行道儀

燒香頌

各禮師存念如法

宣衛靈呪

丹靈朱火炎霞激風赤輪剛運天光八衝

迸威巴羅交變萬方流金豁落羣魔滅蹤

辟奸破妖明耀元功金符召制躡雲策龍

謠歌慶會散花太空神化明運四極安隆

伏御帝前罔有不恭

鳴法鼓二十四通

發爐

無上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝關啓玄壇天帝神君當召此間土地里

域真官正神急上關啓臣今午朝燒香行道

奉為宣意其諸情悃具載紙牒願得

太上十方至真道炁靈寶瑞光下降流入臣

等身中令臣所啓之誠速達徑御

太上元極大道

三清上聖

昊天玉皇上帝御前

請稱法位

具位奉行靈寶自然大齋法事小北臣某與

臨壇官眾等謹同誠上啓

太上元極大道虛无自然元始天尊太上玉

晨大道君金闕後聖玄元老君高上玉皇十

方靈寶天尊十方已得道大聖眾至真諸君

丈人三十二天帝君東華南極西靈北真上

宰上相上保上傳日月星宿北斗南辰周天

真宰十方元極无量品至真大神飛天神王

長生大聖无量度人君妙行真人天真皇人

玄中大法師靈寶玄一經籍度師侍經五帝

玉童玉女歲德尊神土地主執三界應感一

切真靈臣聞碧落空歌混景示函三之妙紫

虛鬱秀回靈尊帝一之奇開圖保制於龍文

御運端臨於御座玄風誕布法雨旁流圓方之覆載流形動植之陰陽稟命權與有哉宰制无遺臣等跡履塵寰心游聖域佩九霄之玉檢膺八景之金符授受師恩提携帝力高棲遲於朝市莫葆鍊於林泉過積丘陵功无塵露濟時宣化敢自叛於初盟體道度人期永聖於終志凡有皈嚮合為數聞况奉悅詞敢忘宣奏

宣詞

按如詞言丹誠激越臣聞无始啓錦囊之秘撫料蒼生黃開玉局之祥汲扶黎庶懺謝昭明於帝錄檜讓紀述於河圖雨露沾濡日星璀璨今齋主某既依丹陛法像玄壇玉壁投誠金龍效款肘行膝步全十極以祈恩目注心馳望三光而謝過昭昭事上切切由中觀數絳馘之仁為集簡樣之福以今臨午行道請法衆等運茲初檢上香願此香煙騰空徑上供養无上至真道寶臣等皈身皈神皈命首體投地仰依

太上三尊願以是功德上祝社稷尊靈宗祧先聖碧霄御絜瓊闕疑神扶寶祚於億年濼瓊源於萬世

皇帝道伴軒昊德契勳華圖書開河洛之符九圍昭晏社稷等奉高之固八表澄清與日月以齋齡配乾坤而並福儲宮禁掖先佐昌

時內朝外藩共扶景運紫宸御政謳歌有道之長丹辰朝元鼓舞无為之治今故燒香自

皈依師尊大聖衆至真之德得道之後升入无形

和與道合真某以今臨午行道請法衆等運茲二檢上香願此香煙騰空徑上供養

无上至真經寶臣等皈身皈神皈命首體投地仰依

太上三尊願以是功德奉祝齋主家億曾萬祖過往靈儀化機停息業網開張受書高步

於未陵闕道游神於丹界齋主某三靈光贊衆妙匡扶九五箕畴天錫春臺而宴樂八千

莊算神資壽域以優海呼吸玄牝之門嚙味

无和之粹詩書接武文獻傳芳百順千祥鬱若雲蒸於碧漢三災九厄冷然風掃於玄虛今故燒香自皈依

師尊大聖衆至真之德得道之後升入无為和與道合真

以今臨午行道請法衆等運茲三檢上香願此香煙騰空徑上供養

无上至真師寶臣等皈身皈神皈命首體投地仰依

太上三尊願以是功德皈流九州四海萬姓三農動植含靈飛潜有識二儀化育一炁生

成擊壤堯疆萬里綠盈於春野永符縹緲四時草鞠於園扉无焚林竭澤之虞遠度天羅

淵之樂普乘道紀獲脫苦輪更生福慶之鄉運陟玄真之域臣等三師四友同學門人灌

沐靈津陶鎔業垢迴黃抱紫圓通早證於虛無出青入玄澄寂速凝於兩半今故燒香自

皈依師尊大聖衆至真之德得道之後升入无形和與道合真

禮方 懺方 命魔

步虛

旋行躡雲綱 乘虛步玄紀 吟咏帝一尊  
百關自調理 俯命八海童 仰携高仙子  
諸天散香花 蕭然靈風起 宿願定命根  
故致標高擬 歡樂太上前 萬劫猶未始

又

嗟峨玄都山 十方宗皇一 崑崙天寶臺  
光明焰流日 焯焯玉林華 衛瓌耀朱寶  
常念淪元精 鍊液固形質 金光散紫微  
窈窕太乘逸

又

俯仰存太上 華景秀丹田 左顧提鬱儀  
右盼携結璘 六度冠梵行 道德隨日新  
宿命積福應 閉經若至親 天縱超世才  
樂誦希微篇 冲虛太和炁 吐納流霞精  
胎息靜百關 寥寥究三便 泥丸洞明景  
遂成金華仙 魔王敬受事 故能朝諸天  
皆從齋戒起 累功結宿緣 飛行凌太虛  
提携高上人

十三

三啓 三禮 重稱法位

具位奉行靈寶自然大齋法事小兆臣某與  
臨壇官衆等謹同誠上啓

太上無極大道虛無自然元始天尊太上玉  
晨大道君金闕後聖玄元老君高上玉皇十  
方靈寶天尊十方已得道大聖衆至真諸君  
大人三十二天帝君東華南極西靈北真上  
宰上相上保上傳日月星宿北斗南辰周天  
真宰十方無極無量品至真大神飛天神王  
長生大聖無量度人君妙行真人天真皇人  
玄中大法師靈寶玄一經籍度師侍經玉帝  
玉童玉女歲德尊神土地主執三界應感一  
切真靈巨闕五劫開光玉字昭回於碧落三  
乘導運金書保衛於紫微教尊靈寶之玄義  
貫樞機之妙宇籠萬象總統群靈風靜雲藏  
彰碧玉緬平之應務臻雨集昭泰珠神化之  
奇自元始之傳宗至虛皇而演教和天安地  
濟物利人凡居混與之中孰出陶鑄之外齋  
主恭皈神切切請命依俾慮身心口之業垢

尤迷與去來今之宿塵尚染未登道岸英脫  
迷津致身命招經緯之災而門庭兆陰陽之  
咎非由懺謝曷保康寧是以望紫極以頌天  
潔玄壇而饗帝願頌綉綉遍毀簡書閣闔風  
清扇愆尤而天河倒挽鬱羅日近蒙福祿而  
地嶽高齊玉液延年金丹駐景先亡往迹煉  
丹霍之形神外戚中姻紀青華之姓字家無  
災厄身有禎祥耀紫炁於門闈御景星於次  
舍人所欲者天必從之上願地紀熙平天圖  
朗昊

皇基悠永極四海以朝宗  
帝業興昌來八荒而慕德烽塵絕警金華輶  
威毅稼豐盈遂鼓腹含哺之樂窳瀛清靜興  
耕食鑿飲之歌九壘三途幽冥異趣四生萬  
類品物殊形均沾曠蕩之恩光咸悟虛靈之  
正性永无輪轉同證真常則上明  
天尊大慈之化下副臣等懺謝之誠謹啓以  
聞

發願

一願大道滄泊虛无安闕空寂澄清自居廣

開法門教導頑夫皆蒙惠澤精苦自修預

以同學善得升虛與天相保長存無憂

二願諸天結炁澄清高虛廣覆保真固靈氣

候調節四運和平國安民豐普天開寧廣

濟一切惠達有生保天長存億劫不傾

三願土地覆載無恙安平不陷海淪不崩保

鎮家國兆民興從養生安死惠周十方禾

稼滋植營運日豐咸得覆載萬類皆從

四願日月二景高明無有孛蝕虧盈安清光

照諸天洞消暗冥保固劫運世祚和平普

加潤澤惠灑眾生

五願星辰與日齊光轉燭照耀朗映十方各

安其位經緯直行保鎮家國無有災傷四

海寧一普天與昌

六願四時隨節推遷景氣和調無有災患疫

毒消滅普天安平五穀豐熟國富民歡

七願降雲結炁聚煙飛空高澄陸覆玄玄隱

則無為散則彌天神仙同居結友眾真惠

流一切典國愛民普濟群生人同劫年

八願風雨流灑无窮普加施泄受炁發揚萬

物滋生國儲民豐

九願五嶽各安其方巍巍包藏長為仙宮安

鎮國祚保天無終護度一切莫不仰崇

十願江海湯湯無極含容恢廓無細不植淵

與柔惠潤加喘息天人獲慶年固劫石

十一願帝王國主日昌四鎮安睦兵革不揚

天人歌唱吉應來翔敷教濟濟威化揚揚

兆庶稱慶長樂未央

十二願蟄飛蠢動已生未生成蒙安全普得

生成皆見元氣受陽之形草木菓林經冬

不零一切濟度靡不鮮榮和與道合真

復爐

香官使者左右龍虎君侍香諸靈官當令臣

午朝行道之所自然生金液丹碧芝英百靈

象真交會在此香火爐前令臣學道得道求

仙得仙齋主受福慈顯沾恩十方仙童玉女

侍衛香煙傳巨向來所啓之言速達徑御

太上无極大道

三清上聖

昊天玉皇上帝御前

伏一

出堂頌

謝師

靈寶領教濟度金書卷之一百八十